



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 38. Guiravera ad Christi Fidem sollicitatur.

urn:nbn:de:hbz:466:1-38528

Conceptionis
oppidum
fundatur.

Iter aper-
tum.

Francisci
Diasianii
labores.

CAPUT
XXXVIII
Guitavera
ad Christi
Fidem sol-
licitatur.

Dæmon dolo
suo capitur.

Casiquius, quinque filiorum pater, quorum singuli singulis pagis moderabantur. Præterea multi alii circum viculi novæ fundationi accedere optabant. Igitur magno Barbarorum concursu, cretâ solemnî ritu Cruce, oppidi fundamēta jacta sunt, quod Conceptæ sine labo Virgini solemniter consecrare placuit. Sub hæc initia Curitus, Gualachorum potentissimus, magni nomen apud populares & Hispanos adeptus, Rui si invitatu cum centum alleclis Socios convenit, spondens se aut in suis terris oppidum fundaturum, aut si subceretur, ad Conceptionis oppidanos adjuncturum. Primum placuit: itaque in patriam cum spe dimissus est: stupentibus Hispanis, simplex Sociorum verbum potentius fuisse, quam arma sua, quibus desperaverant magnum Curitum aliquando subjugari posse. Post ejus discessum, quod ad Taiaobæ regionem circumflexum esset iter per Indorum belligerorum terras, Antonius Rui sius indicibili labore per intæstas sylvas novam viam aperuit, quadriduo deinceps permeabilem. At Franciscus Diasianus novo Conceptionis oppido præpositus, Gualachorum lingua ad præcepta artis primus reducens, & liminaria doctrinæ Christianæ documenta scripto explicans, futuris temporib[us] eam Domini vineam exculturis magnam utilitatem attulit. Præterea artes mechanicas, & præsertim fabrilem, quarum notitiam ingenii dexteritate per se indeptus fuerat, exercens, gentem novam ferramentorum æquè egentem ac cupidam sibi maximè conciliavit. Exstructo templo, quantâ poruit pompâ in sepulchrum intulit infantis corpusculum, paulò ante mortem abs se singulari Dei providentiâ in una excursione baptizatum: valuitque pompæ ostentatio ad permulcendos Barbaros, ut vellent deinceps infantes suos sacro Fonti lubenter exhibere. Fatendum tamen est, ex hac gente, ob ebrietatum & furibundorum rituum inveterationem, non admodum numerosos animorum fructus fuisse perceptos.

Vbi Antonius Rui sius ad Taiaobæ terras aperto abs se itinere pervasit, ad Guitavera novis fundationibus obnitentem, & nova oppida destruere co-
nantem, Christi partibus conciliandum, animum adjecit. In quo superando ea
fuit vis adhibenda, ut in ornatum virtutis permisus videretur, volente Iesu
Socios suos valido iterum hosti opponere, ut quasi concatenata una alteri trium-
phorum materia succederet. Nam Guitavera, Antropophagorum ac Ariolorum
in Guairania facilè princeps, ob carnis humanae aviditatem, ab longinquis vicinisque
populis tanquam hominum exterminator habitus, Christiani sanguinis præteriat
sunt, omnem posuerat operam, ut Simon Maçeta, ad quem quanplurimos suæ
factionis Ethnicos Religionis Christiana ergo transfugisse intellexerat, in casas
ollasque suas incideret. Insuper Casiquis omnibus, potestatis metu aut ariolandii
maleficio sibi adhærentibus, denunciarat, neminem sibi suavius blanditum co,
qui Rui sius laqueis suis irretisset, assumque suo palato obtrusisset. Huic saevitiae
individua erat superbia, quâ se turpis hellipotum Sacerdotem magnum, tum Guairaniae
totius Ducem appellatbat: cōque vesania devenerat, ut ferociæ suæ vites
non aliò, quam ad avertendos ab Religione Christiana populorum animos, asserta
sibi phantasticâ Divinitate, usurpandas putaret. Ægerimè cerebant Socii id
hominis monstrum rebus veteribus conservandis & novis stabiendi obstacle esse.
Idcirco eò omnes curas dudum circumulerant ad investigandum, num quâ via
infestissimo hosti adeundo mitigandoque pateret. Sed ex variis experimentis ita
didicerant, ut nullâ humanâ ope homo dæmonis familiaritate (ut cerebatur) in-
famis Christianis rebus conciliari posse crederetur: præter spem tamen dæmon suis
artibus captus est. Nam cùm ex Ariolorum cadaveribus oracula sua tanquam ex
tripode promeret, renovatæ Pythagoræ μετεμψυχῶι. dixisse fertur, Quaraciti, olim ante mortem pro Deo habitu, animam in Antonii Rui sius corpus demigrasse,
omnemque Divinitatem suam in eum translusisse: quâ re pervulgata, Rui sius Deus
esse & Quaraciti rediviva imago Ethnicorum omnium ore cerebatur. Quæ res præ-
ter dæmonis consilium haud minus emolumenti dempsit Ethnicorum rebus, quam
adjectis rei Christianæ, plurimorum animis cā occasione ab superstitione aversis;
dæmonis dolo in favorem novæ legis cedente. Quippe Guitavera studio incensus

videndi

videndi Ruisii, seu, ut ipse aiebat, redivivi Quaracitii, post nuncios ultrò citroque missos, cum ducentis Indis militariter instrutis, magno apparatu se dat in viam. Ibi Divi Pauli apud Inianenses oppido proximus fuit, certum hominem destinat ad Ruisium & Maçetam colloquii conditiones explicaturum. Non expectato tamen responso, ex improviso oppidum ingressus, stentoreā plusquam voce sui ipsius mendax præco vociferatur, sc̄ luæ conditionis oblitum præter morem in præsentiarum terram calcare voluisse, ut externorum Sacerdotum aspectu frueretur. Hæc & similia deblaterans Ruisium & Maçetam in foro offendit, ab quibus honestè sedentibus iuslus est in humili scanno sedere. Sed ille intolerabili fastu, qualem nec mimi in scenis assumere solent, asseclis suis imperat, detrahant sibi vestes, scannumque & subpedale sternant: mox ipse confidens, & de feritate superciliosaque aliquantum remittens, solito gentis more Socios salutat: qui vicissim salutem precati, cum plura de his bonis, quæ Christus nobis acquisivit, addere vellent, ob Barbari inquietudinem, colloquio in opportuniorem tempestivitatem dilato, ab invicem discesserunt. Sed Socii, nullâ arte magis conciliari Barbarorum animos, quam cipulis, experti, duos boves mactant, capratâque lauto convivio, eeu diserto exordio, benevolentia, sic deinde Ruisius Guiraveram proditionis metu omnia tuta timentem alloquens, reliquum Orationis pecttexuit. Frustra, inquit, o Guiravera, infidiles corum times, qui nihil magis, quam pro augenda Dei gloria mortem appetere appetunt: vides quantâ simplicitate nos tueamur, inermis inter armatos tuos satellites minime suspicaces, de laute excipiendis iis agimus, qui nihil satius habuisse dicuntur, quam nos suis laqueis irretire, devorareq;. Vni animarum lucro intenti nullorum corporibus hactenus noxiis fumus, nihil satius habentes, quam si unius Dei cultus omnium cordibus insinuetur. Hac spe freti pericula ridemus. Ceterum non te decipiat, o Guiravera, vani nominis umbra: nam ego & tu mortales sumus, nihil mibi de mendacis oraculi technis usurpo, nec tibi, quam vanè jactas, Divinitatem attribuo. Ego & tu pulvis erimus è pulvere olim facti: haec nostra origo est, idemq; finis. Ergo, o pulvis, detumeſce, & tandem disce, quantum vilis terræ portio ab omnium Conditore differat. Quid te jactas de creato Orbe, qui hactenus ita te gesseris, ac si ad Orbis pestem natus esse videveris? non hominam creator es, sed destructor; non dignitatum arbiter, sed turpe vitorum mancipium; non humani generis latitia, sed vorago, semesa adhuc eructans hominum corpora & aliis inhians: non rerum conditoris, sed ventosum demonis sternumentum. Ceterum sic habeto, eam iste Dei clementiam, que semper parata sit suarum legum violatoribus, si supplices fiant, sceleris condonare. Hunc Deum reverere, ni eternum vindicem sentire mavelis: modo in patriam reverttere, ponē te sequemur. Ad hæc Barbatus, multum de superbia remittens, ita de se credi volebat, ac si dicta animo imbibisset: sed satis apparebat simulatè omnia agere, temporique servire. Plures ex Casiquis, qui cum eo venerant, fastum hominis carpentes, nihil se magis velle, quam Religionem Christianam capessere, ostendebant, clam afferentes, si Socii in patriam suam venirent, pletoque Guiraveræ asseclas, deserto eo, nomen Christo daturos. Ruisius porrò haud dubius populi studia Atriolorum & præcipiutorum Casiquiorum autoritate regi, proinde illâ inclinatâ omnia in proclivi fore, Guiraveram aliquo officio sibi devinciendum existimans, illi virgam, qualem Magistratus ferre solent, Regis Catholici nomine tribuit, & ab quadringentis Neophytiis atmatis, honoris ergo, per oppidum deduci curavit: quibus officiis conciliatum se rebus Christianis utcumque ostendit. Post Guiraveræ discessum, de deducenda ad ejus terras colonia, spredo quovis periculo, à Patribus agitatum est. Qua in re versanti Ruisio litteræ redduntur, quibus monebatur Incarnationis oppidum ab Mamalucis latronibus infestari: quare Guiraveræ negotio dilato, summâ celeritate ad propulsandam injuriam ipsi abeundum fuit.

ALQUIT Mamalucorum cohortes (de quibus suo tempore distinetius dicam) Tibaxivam fluvium, quæ Sancti Xaverii oppidum proximè aluit, transmisserant, nec longè ab Neophytorum nostrorum coloniis castra metati, Guiraniam totam non inani metu repleverant. Nam præterquam quod immensam Barbaro-

Guiravera
cum Sociis
colloquium.

Antonii Rui-
si oratio.

Guiravera
utcumque
conciliatur.

CAPUT
XXXIX.
Mamaluco-
rum adven-
tus.

rum,

